

جريدة محاکمه

388

جمعه ایرتسی

نومرو	رجب	سنه	نیسان	سنه	صحیفه
۳۸۸	۲۲	۱۳۰۴	۴	۱۳۰۳	۴۱۲۷

(اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه یکر می)
 (غروش حسابیله التمش غروشدر طشره لر ایچون اون بش غروش پوسته اجرئی ضم اولنور بهر)
 (نسخه سی ینه مجیدیه یکر می غروش اولق اوزره یوز پاره یه هر یرده صاتیلور درج اولنه جق اعلاناتک)
 (هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائر سنده کائن)
 (جریده محاکم اداره سنه مراجعت ایلملیدر)

قسم رسمی

توجیهات

هیئت انهامیه رئیس سعادتلو حسین رشادی
 افندی به رتبه اولی صنف ثانیه
 ایکنجی محکمه تجارت رئیس سعادتلو قس طاکلی
 افندی به رتبه اولی صنف ثانیه
 محکمه استیناف اعضا سندن عزتلو قیریل افندی به
 رتبه ثانیه صنف ثانیه

محکمه مذکورہ حقوق قسمی باش کا تبی رفعتلو
 امین بکه رتبه ثالثه
 بغداد تجارت محکمه سی ریاستی بنغازی ولایتی
 مرکز بدایت محکمه سی جزا دائره سی ریاستندن
 مستعفی سامی افندی به
 جدیدہ تجارت محکمه سی ریاستی درنه سنجاغی
 بدایت محکمه سی مدعی عمومی معاونی محمود
 بکه
 مدلولو بدایت محکمه سی مدعی عمومی معاونلکی قلعه
 سلطانیه بدایت محکمه سی مدعی عمومی معاونی
 احمد جدی افندی به
 قلعه سلطانیه بدایت محکمه سی مدعی عمومی

ومطلوبات خزینہ نك تصفیہ دیون قرار نامہ سی
موجبہ تسویہ واستیفای قرار عالی اقتضاسندن
بولندیغی جهتہ سنہ مذکورہ غایتہ قدر اولان
سنہ حسابہ اولی اوزرہ ویریلہ جك اعلامانك
كرك حقوق وكرك جزایہ متعلق بولسانلك
خرچلریچون تصفیہ تحویلی اخذینہ وجزایہ
متعلق دعاویدن جزای نقدی وتضمینات شخصیه ایله
مصارف محاكمه نك نقداً استیفاسنه سبق ایدن
استیذان اوزرینہ اراده علیہ متعلق بیورلمش
وبونك ایجاب ایذله تبلیغات لازمه ایضا اولمقی
اوزرہ اشبو تحریرانك نسخ مطبوعه كافیہ سی
علی الاصول لفاً ارسال قلمش اولغین اكا كوره
ایفای مقتضاسنه همت اولمقی سی یاقنده شقه
ترقیم قلمدی

(مرعیت احكامنه بالاستیذان اراده سنیه)
(جناب پادشاهی شرفعلی بیوریلان مراحه)
(نظامنامه سی صورتیدر)

ربنچی ماده اشبو نظامنامه نك تاریخ نشرندن
اعتباراً هر نوع مداینات عادیه وتجاریه فائضك
حد اعظمی سنوی یوزده طقوز اوله رق تعیین
قلمشدر
ایكنجی ماده اشبو نظامنامه نك تاریخ نشرندن

مقدم سنوی یوزده اون ایکی حسابیه عقد
ایدلمش اولان فائض مقاوله لری اشبو نظامك
اعلانی كونه قدر مرعی ومعتبردر
اوچنجی ماده داین ایله مدیون بیننده حد
نظامیسنندن زیاده فائض مقاوله سی واقع اولدیغی
یا سننده مصرح اولمسیله ویا خود رأس المال ضم
اولندیغی اثبات ایلمسیله تین ایلر ایسه فائضك
مقداری سنوی یوزده طقوزه تنزیل ایدیله
دردنجی ماده اقراضات فائضی هر قاج سنه
مرور ایدر ایسه ابسون نهایت رأس المال
مقدارینی تجاوز ایتیه جكدر رأس المال تجاوز
ایدن فائضی حکم ایتمكدن بالجمله حکام منیدر
بشنجی ماده اقراضات فائض مركب بریدلمسی
جائز دكلدر انجق اولا مبلغ مستقرضه محسوباً
اویچ سنه ظرفنده مدیون طرفندن آقی تسلیم
اولتماش بولندیغی نایسا اویچ سنه دیشلمش
بولسان فائضك رأس الماله ضمی ایچون داین
ومدیون بیننده اتفاق حاصل اولدیغی حالده
یاكز اویچ سنه لك ایچون فائض مركب بریدیلہ
یلور تجارت قانونی حکمنجه بین التجار حساب
جاریدن نشأت ایدن فائض مركب معاملاتی بوندن
مستشار
التنجی ماده داین ایله مدیون بیننده معامله
اقراض واستقراض دوام ایتدیکه ایستر نقل
حساب ایدلمش اولسون وایستر دین سدی تجدد
وتبدیل قلمش بولسون فاحش فائضك حانظامیسننه

تنزیلی ادعای مسموعدر فقط کاملاً تأدیة دین
ایدلمش وداین ومدیون بیننده قطع معامله قلمش
ایسه فاحش فائضك استرداد ای ادعای مسموع
اولز

یدنجی ماده فی ١٦ شوال سنه ١٢٨٠ تاریخلی
مراحه نظامنامه سی اشبو نظامنامه نك اعلانی
تاریخندن اعتباراً منسوخدر
سكزنجی ماده عدلیه نظارتی اشبو نظامنامه نك
اجراسنه مأموردر

فی ٩ رجب سنه ٣٠٤
وفی ٢٢ مارت سنه ٣٠٣

قسم غیر رسمی

بعده بدلی کوندرك اوزرہ اوچوز اویچ سنه سی
جریده محاکمك ارسال اطنه ولایتنه ملحق قوزان
سنجانی داخلنده حاجین قصبه سی ساکنلرندن
سکسانیان ماردیروس افندی امضاسیله اداره
خانه یه وارد اولان ورقه ده اشعار اولمش
وجریده محاکمك بدل سنویسی پیشیناً کوندریلوب
معامله قیودیه ولزومه سی اجرا اولمقیچہ جریده

ارسالی قابل اوله میه جغی درکار بولمش اولغله
بیان حاله ابتدار قلمدی

(محکمه تمیز جزاداره سی)

مطالعہ سنندن مستبان اوله جغی وجهله محکمه
تمیز جزا دائره سنك آئیده کی اعلامنك درکار
اولان اهمیتنه نظر عیناً درجنه ابتدار اولنور

قره دیکن قریه لی عبدالرحمن اوغلی احمدك
زوجه سی خدیجه یه فعل شنیع اجرا ایتسنندن
طولانی جنجه درجه سننده لزوم محاکمه سنه
دائر مستنطق طرفندن قرار نامه ویریلان بکر
اوغلی اوسللك جریان ایدن محاکمه سننده حرکت
واقعه سی جنایتی اشراب ایش اولغله معامله
مقتضیه قانونیه نك اجراسی ضمننده اصول
محاکمات جزایشه قانونك یوز التنجی ماده سی
موجبجه اوراق تحقیقیه نك مدعی عمومیلک
جانبه تودیعنه بالاتفاق قرار ویرلدیکی قونیه
بدایت محکمه سی جزا دائره سنك فی ١٩
ذی القعدہ سنه ٣٠٢ تاریخلی ضبط ورقه سننده
کوستلمش وشهادات واقعه یه انضمام ایدن ادله
واماره جرمك جنایت درجه سننده اولدیغنه کافی
کورتمش ایسه ده مستنطق مظنونك جرمی جنجه
درجه سننده اولدیغنه قرار ویرمسی وبر طرفدن

اعتراض وقوعه كیفیت هیئت اتهامیه دن
 كچمیهرك جنحه محكمه سنه كلسى جهته جرمك
 جنایت درجه سنده اولدیغی اثباتی محاکمه تظاهر
 ایدیكى حالده محكمه نك عدم صلاحیت قرارینی
 اعطا ایتسی و ذاتاً تحقیقات بر مستنطق لندن
 كچوب قطعت پیر ایلمی حسینه قانون مذکورك
 یوز یتش بدنجی ماده سی حکمجه دیگر مستنطقه
 حواله کیفیت ایدلك لازم كلور ایسه ده تعیین
 مرجعی ایجاب ایتدیردیكنه بناء تعیین مرجع
 اولمسی ولایت مذ کوره محكمه استینافیه سی
 مدعی عمومیلکنندن کوندریلوب مدعی علیه
 طرفه تبلیغ ایدلس اولان فی ۳۰ ذی القعدة سنه
 ۳۰۲ و فی ۲۹ اغستوس سنه ۳۰۱ تاریخ و اون
 سکر نومرولی تحریر اتده استمداء قلمش و بو بایده
 باش مدعی عمومیلک مأموریت علیه سندن ارسال
 اولنان فی ۱۷ جاذی الاحره سنه ۳۰۳ و فی
 ۱۱ مارت ۳۰۲ تاریخ ویدی نومرولی تبلیغنامه ده
 دخی کرچه قانون مذکورك یوز اللنجی و یوز
 یتش بدنجی ماده سنده ادما اولنان ماده مجازات
 تأدیبیه بی و یاخود دها اغیر بر جزایی مستلزم
 اولور جرم قبیلندن ایسه محكمه طرفینی مدعی
 عمومی و مستنطقه کوندرلسنه قرار ویرمسی
 لازم کله جکی مسطور ایسه ده بو صورت انجق
 مستنطقدن کچمیهرك طوغریدن طوغری به مدعی
 شخصی و یاخود مدعی عمومی طرفندن ویریله جک

استمداء اوزرینه محكمه به کلان دعوالره مخصوص
 اولوب یوخسه استنطاق دائره سندن کچمیهرك
 جنحه نوعندن کورمک حسینه باقار نامه
 محكمه به حواله اولنان دعاوی به نمولی
 اوله میه جغنه و هر نقدر مستنطقر بدایت
 محكمه لرینه مربوط ایسه لده بونلرک ویه جکی
 قرار نامه لر محاکم مزبوره طرفلرندن فسخ
 ایدیله میوب بو صلاحیتك انجق هیئت اتهامیه لره
 ویرلش اولسنه و برده بو صورتله قطعی درجه سنی
 احراز ایتش اولان قرار نامه لر اوزرینه
 ایش عائد اولدیغی جنحه محكمه سنه
 حواله اولندقدنه جنحه محكمه سنی قیید
 ایده میوب محكمه جه دعوانك جنایت
 نوعندن اولدیغی و یاخود سبباً من الاسباب
 وظائفی خارجنده بولندیغی کورلیدیكى حاله عدم
 صلاحیت قرارینی اعطایه هر حالده حر و اذنون
 اولدیغی درکار ایسه ده بو خصوص قرارنه نك
 انفساخنی موجب اوله میسه جغنه بناء دعاوی
 جزاییه نك تحقیقات و محاکماتك انقطاع و نوائمی
 موجب اولان بو مقوله احواله اختلافات
 واقعه نك حل و دفعی مستنطق قرار نامه سیله
 مذ کور بدایت محكمه سی قراری بیلننده نکون
 ایدن اختلافك رفعیه اوراق تحقیقیه ده مدرج
 احوال و کیفیاته استناداً فعل مذکورك نوع
 و وصف قانونیسنك تعیینی و دعاوی مذکورنك

ارائه مرجع رؤیتی محكمه تمیزك جله وظائفندن
 بولندیغی جهته اوراق مذ کوره شونقطه نظرندن
 تدقیق ایدلدکده مظنون مرقوم اوسلکه اسناد اولنان
 فعل اوراق میاننده بولنان قونیه بدایت محكمه سی
 مستنطقنك فی ۱۸ اغستوس سنه ۳۰۱ تاریخی
 قرار نامه سنده کورلیدیكى اوزره مزبوره
 خدیجه به فعل شنبیع اجرا ایتك قصدنده بولتمقدن
 عبارت اولوب بو ایسه قانون جزانك یوز
 طقسان سکرزنجی ماده سی ذیلنه موافق جنحه
 افعالندن بولندیغی جهته خصوص مذکورك
 رؤیت و فصلی محكمه مذ کوره نك صلاحیتی
 داخلنده اولدیغی حاله بر کونه اسباب موجب
 کورلیدیكى جنایتی ایشك جنایتی اشراب ایتدیكى
 و بناء علیه تحقیقات واقعه دخی صورت مکمله ده
 کورلیدیكى بیانیله اوراق تحقیقه نك مدعی عمومیلک
 جانبنه تودیعنه قرار ویرلمسی مغایر قانون ایدوکنندن
 بحثله خصوص مذکورك رؤیتی قونیه بدایت
 محكمه سی جزا دائره سنه عائد اولدیغنه قرار
 ویریلهرك تعیین مرجع ایدلمی طلب اولمشدر
 ایجابی لدی التامل اصول محاکمات جزاییه
 قانونك جنحه به متعلق دعاوی بی رؤیت ایدن
 محكمه لره دائر فصلنده و یوز یتش بدنجی ماده سنده
 « دعوی اولنان ماده مجازات ترهیبیه بی استلزام
 ایدر جرائم نوعندن ایسه محكمه در حال موقت
 و غیر موقت توقیف امرینی ویره بیلور و مظنون
 علیه لازمکلان مستنطق حضورینه کوندرر »

ویوز طقسان التنجی ماده سنده دخی « دعوی
 اولنان ماده مجازات ترهیبیه بی مستلزم افعالندن
 اولدیغی جهته حکم واقع فسخ و ابطال اولنور
 ایسه اقتضاسنه کوره دعاوی استینافاً رؤیت
 ایدن محكمه متهمك موقت و غیر موقت توقیفنه
 امر ویرر و دعاویه کنیدیسی باقق اوزره تحقیقات
 اجراسنی نزدنده بولنان مستنطقه حواله ایلر « دیو
 مندرج اولسنه نظراً جنحه دعواسنك اثناه
 رؤیتنده محكمه جه جنایت رنکنده کورینوب
 بوماده لره توفیقاً ویریلان قرار اوزرینه جنایت
 رنکنی کورسرتن صورت و یا صور ساره حقه ده
 مادتن مذ کورتن احکامی ایجابندن اولق اوزره
 اجرا ایدیله جک تحقیقات استنطاقیه کیفیتك دها
 اول دیگر بر مستنطقدن کچمش اولمی مانع
 اوله میوب چونکه اولجه مستنطقك سبق ایدن
 قرارینك محكمه نك قراریه تأثیردن سقوطلی
 طبیعی اولدیغی کبی مادامکه دعاواه جنایت
 صورتی نمایان اولدیغنه قانوناً قرار ویرن محكمه
 صنفه مستنطق فوقنده اولدیغی کبی بو قرار
 نوعاً اتهام قرارینی متضمن اولمسیله ارتق قرار
 مذ کوردن منبئاً مستنطقک اخیراً اجر ایده جکی
 تحقیقات ایچون یالکز بر فذلکه ویرمکه اکتفاسی
 لازمکلوب یوقسه علی العاده اجرای تحقیقات
 ایتدیكى مواد مثلوه جنایت جهته دائر قرار
 اعطا ایتسنه و آنك اوزرینه دخی کیفیتك هیئت
 اتهامیه به کتسنه محل و ایجاب قلمیه جغنی بدیهی

بولديغندن و برده مارالذکر مستنطقك و بره جکی
 فذلکة تحقیقات اوزرینه جنایت صورت
 وصفیه محاکمہ بی اجرا ایدہ جک اولان محکمه
 استحصالی ایدہ جکی نتیجہ به کوره اساس فعلک
 صورت ثبوتی و نوع و قانونیسی حقیقده اعطای
 رأیدہ مختار ایدوکنندن مذکور قونیه بدایت
 محکمه سنجہ خصوص مذکورده جنایت صورتی
 کورلمسندن ناشی سالف البیان مواد قانونیه نک
 ایجاب ایتدردیکی قواعد اساسیه به کوره قرار
 ویرلیوب قباحت دعوالرینک صورت رؤیتندہ
 اجرا ایدیلہ جک معامله به دائر اولان یوز النجی
 ماده قانونیه دن بالبحث معامله مقتضیه قانونیه نک
 اجراسی عباره سیله اوراق تحقیقہ نک مدعی
 عمومیلکه تودیعنه قرار ویرلمسی موافق وظیفه
 کوریلہ مامکله قانون مذکورک اوچبوز اون دردیجی
 ماده سنه توفیقاً ذکر اولنان قونیه بدایت محکمه سی
 قرارینک فسخنه واحکام قانونیه سالفته البیانہ
 توفیق حرکت اولتمق اوزره اوراق مرقومہ نک
 محلنه امانده سنه بالاتفاق قرار ویرلدی

(محکمه تمیز جز ادارہ سی)

محاکمہ کن مرجع حقیقده صدور ایدن قرارلر

اعتراض علی الحکم واستیناف و تمیز طریقہ
 تدقیق اولتمدقیقہ و یا اعتراض واستیناف و تمیز
 مدتلری مرور ایتدیجہ تعیین مرجع صورتیه
 محکمه تمیزه طوغریدن طوغری به مراجعت
 اوله مز . تعیین مرجع استدعاسی دعوانک حواله
 اولندیغی محکمه زندنده مأمور بولنان مدعی عمومی
 طرفندن اعطا اولتمق لازم کلوی محاکمہ مدعی
 عمومیلری طرفندن تعیین مرجع استدعا اولنه مز

گذران ایدن بیک اوچبوز ایکی سنه سی مارتک
 اون طقوزنجی چهارشنبه کونی منمن یکن زاده
 راشد اغایی تفنک قورشویله جرح ونل ایلدیکی
 ادعا اولتمسندن طولایی مظنون علیه اولان فراری
 کورد اجد چاوشک جنایتله لزوم محاکمه سنه
 دائر منمن مستنطقلغندن ویریلان قرار نه و اوراق
 تحقیقیه ایدن ولایتی استیناف محکمه سی هیئت
 اتهامیه سنه لدی التودیع بوبابده تنظیم اولنان
 مضبوطه فعل قتلک کرچه اجد چاوش طرفندن
 صدور ی اکلشلقده ایدده مقبول مرقومک
 شتوم غلیظه تفوه ایدرک سلاحه هجومنه قارشوی
 سلاح انداخت ایلدیکی جهتله حرکت واقعه سی
 قانون جزانک یوز سکسان طقوزنجی و یوز
 طقسانجی ماده لری حکمنی مستلز افعالدن
 اولدیغندن مذکور مستنطق قرار نامه سنک
 فسخیلہ ازیمد محکمه استینافیه سی جزاداره سننده
 اجرای محاکمه سنه متفقاً قرار ویرلدیکی کوسرلمش

ایکن منمن قضاسی بدایت محکمه سننده کیفیت
 غیاباً رؤیت اولندیغی صروده محکمه مذکورده دن
 ویریلان قرارده مقبول ایلہ اجد چاوش بینلرنده
 منازع فیه محاکم مرقوم راشد اغانک چقیجیسی
 طرفندن سورلدیکندن ناشی یوم وقعه ده مظنون
 مرقوم طرفندن اولنان سؤاله راشد اغا جواب
 ویردیکی ائنده یکدیگریله وقعه کلان منازعه لرندہ
 اجد چاوش فوران غضبله یدنده کی مارتنی
 تفنکی انداخت ایلہ چیقان قورشون راشد اغایه
 بالتصادف یرہ دوشدیکنی و بونک اوزرینه متهم
 مرقوم متوفانک باشی بچاقله قطع ایلدیکی استماع
 اولنان شهودک جله افاداتندن مستبان اولسنه
 نظراً جرم واقع مواد جنایتیه دن بولندیغنه
 و جنایت دعوالرینک رؤیتی ایسه قضا بدایت
 محکمه لرینک وظیفه سی خارجنده اولدیغنه
 بناءً خصوص مجوٹ عنہک محاکمه سنه لوا
 جنایت محکمه سننده باقیمق اوزره بوبابده کی اوراقک
 ارسالنه اصول محاکمات جزایه قانوننک یوز
 یتشجی ماده سنه توفیقاً غیاباً بالاتفاق قرار
 ویرلدیکی بیان قلمش و ایدن ولایتی محکمه
 استینافیه سی مدعی عمومیلکنک فی ۳ کانون اول
 سنه ۳۰۲ تاریخی استدعا نامه سی مفادی دخی
 هیئت اتهامیه ایلہ قضا بدایت محکمه قرارلری
 بیننده کی میانیتک حللی ایچون تعیین مرجع طریق
 قانونیسنه مراجعت اولتمق ایجاب ایدرکن قضاء
 مذکور محکمه سنک قراری غیابی اولدیغندن قابل

اعتراض ظنیله متهمه بالتبلیغ وقوعه بولان اعتراضه
 منمن بدایت محکمه سنجہ یکیدن ایشه دوام اولندیغی
 مقتول ورثه سی طرفندن اخبار اولتمغله اوراق
 جلب ایلہ مطالعه اولندقدہ هر ایکی دائره دن
 ویرلمش اولان قرارلرک یکدیگرینه میان اولدیغی
 کورلدیکنه و بر محکمه جزایه طرفندن بوکی
 برقرار صدورندن صکره بو قرار مافوقی
 محکمه دن فسخ اولتمدقیقہ او محکمه نک ایشه باقمیه
 جنعی درکار اولدیغنه و میانیت واقعه نک حل و فصلی
 محکمه تمیز جزا د رهنه عائد بولندیغنه و اساس
 ملایه کلنجه اوراق تحقیقیه و محاکمه وظیفه سی
 معلوم اوله جنعی و جهله مقبول راشد اغانک شتوم
 غلیظه تفوه ایدرک سلاحلی هجومندن طولایی
 متهم مرقومک مارتنی تفنکی انداخت ایلدیکی
 فرق اولسنه یله راشد اغانک مجروحاً یرہ
 دوشدکن صکره متهم طرفندن بچاقله باشی
 کسلس اولسنه نظراً شوفعله مقابلہ در ذیلہ بیلک
 ممکن اوله میه جغنه و بناءً علیه اجد چاوشک
 فورات غضبله راشد اغایی قتل ایلدیکی
 اکلشلقده مبنی منمن بدایت محکمه سنک قرار
 سالف البیانی موافق قانون اولدیغندن بحمله
 اولوجهله تعیین مرجع دعوی اولتمسنی مستدعی
 اولوب بوبابده باش مدعی عمومیلک مأموریت
 علیه سندن ارسال اولنان فی غره جاذی الاخره
 سنه ۳۰۴ فی ۱۲ شباط سنه ۳۰۲ تاریخی
 وسکر یوز یدی نومرولی تبلیغنا مده دخی

خصوص مذکور حقنده هیئت اتمامیه دن
 ویرایش اولان قرار تمیز اولندیغی جهتله لایتغیر
 حالته کیرمش ایسه ده بدایت محکمه سندن دعوانک
 جنایت نوعندن اولدیغنه دائر ویرایش اولان قرار
 غیابی اولوب اعتراض وقوعنه مبنی محاکمه
 وجایه نیک دردر دست رؤیت بولندیغی
 اکلشلدیغنه و بو مقوله قرارلر حقنده اعتراض
 علی الحکم اوله میه جغنه دائر صراحت قانونیه
 کوربله مدیکنه و اصول محاکمات جزایه قانونونک
 درتوز او توز برنجی ماده سیله مواد سائره سی
 احکامندن مستبان اولدیغی اوزره محاکم ابتدایه دن
 صدور ایدن بو مثللو قرارلر دن طولانی طوغریدن
 طوغریه تعیین مرجع دعوی محکمه تمیزه
 مراجعت اولنه میوب بو قرارلر استینافاً و بالآخره
 تمیزاً تدقیق اولنه بیله جکنسه و قرار مزبور دن
 طولانی اعتراض علی الحکم واستیناف و تمیز
 مدتری مرور ایتدیجه تعیین مرجعه محل اولنماسنه
 و علی الخصوص قانون مذکورک باب خامس نیک
 فصل اولنده مندرج احکام قانونیه دن استنباط
 اولندیغی وجهله تعیین مرجع استدعاسی دعوانک
 حواله اولندیغی محکمه نزدنده مأمور بولنان
 مدعی عمومی طرفندن اعطای اولنق لازمکوب
 محاکم سائر مدعی عمومی طرفندن تعیین
 مرجع استدعا اولنه میه جغنه مبنی دعوی

مذکور نیک محاکمه و جاهی سی نتیجه سنده وریله جک
 قرار اوزرینه مأمور بن عاذه سی طرفندن طرق
 قانونیه مرجعت اولنق اوزره مذکور تعیین
 مرجع استدعا سنک ردی طلب اولنمی اوزرینه
 محکمه تمیز جزا دائر سی اسباب آتیه یه مبنی
 فی ۴ رجب سنه ۳۰۴ و فی ۱۶ مارت سنه ۳۰۳
 تاریخ ۴۱ نومرولی قرار یله تعیین مرجع استدعاسی
 رد ایشدر
 شو تفصیلاته و اوراق سائره مندرجانه نظراً
 مأموریت مشار البه انک مطالعات مسروده سی
 اساساً اصول محاکمات جزایه فنوننک
 قواعد کلیه سنه مستند و بجا وله رق
 سالف الذکر ایدین ولایتی استیناف محکمه سی
 مدعی عمومی میلکنک بوبانده تعیین مرجع استدعاسنه
 قانوناً صلاحیتی کوربله مدیکندن استدعاسنک
 ردینه و اوراق مرقومه نیک محانه اعاده سنه متفقاً
 قرار ویرلدی

محکمه تمیز جزا دائره سنک بیک اوچیوز ایکی سنه رومیسنک ایستاتستیق جدولنک خلاصه سی

اوراق دعاوی

۱۲۴۳ { اوچیوز برسنه سندن دور اولنان اوراق } چیقان

در شهر	بیک اوچیوز ایکی سنه سی طرفنده	در شهر
مارت ۹۲	بیک اوچیوز ایکی سنه سی طرفنده اعلاماتی ویریلان	مارت ۱۶۰
نیسان ۱۰۳		نیسان ۱۸۰
ماریس ۱۰۷		ماریس ۱۳۵
حزیران ۳۷		حزیران ۷۱
تموز ۹۷		تموز ۱۵۲
اغستوس ۳۶		اغستوس ۸۲
ایلول ۱۰۹		ایلول ۱۱۳
تشرین اول ۱۴۲		تشرین اول ۱۴۵
تشرین ثانی ۸۶		تشرین ثانی ۱۵۸
کانون اول ۱۹۷		کانون اول ۱۹۳
کانون ثانی ۲۵۲		کانون ثانی ۱۵۱
شباط ۱۷۴		شباط ۱۷۸
۱۴۳۲	یکون ۲۹۶۱	

اعاده اولنان ویرلشدیریلان و خرج
 اعلام و جزای نقدی و سائره یه دائر
 اولوب معامله لری اجرا قلنان
 ۲۳۳۴ یکون

قطعات

۲۹۶۱ وارده

۲۳۳۴ صادره

۶۲۷

۱۰۵ قرارلری ویریلوب اعلاملری در دست تنظیم اولان

۵۲۲ در دست مذاکره و تدقیق بولنان

محکمه تمیز جزا دائره سنه بیک اوچیوز بر سنه رومیسنک قلان بیک ایکیوز قرق اوچ اوچیوز ایکی
 سنه سی طرفنده وارد اولان بیک یدییوز اون سکنزکه جعاً ایکی بیک طقوز یوز التمش بر خصوصاتدن
 مذکور اوچیوز ایکی سنه سی طرفنده بیک درتوز او توز ایکیسنک اعلاماتی ویرلش و طقوز یوز ایکیسی
 دخی جزای نقدی و سائره یه دائر اولسایله معامله لری اجرا قلنش و قصور سنه حاضره یه دور اولنان
 التیوز یکر می یدی طاقم اوراقدن یوز بشینک قرارلری ویریلوب اعلاملری یازلقده اولسایله در دست
 مذاکره بشیوز یکر می ایکی ایش قلنش ایدوکنندن عرض و بیان کیفیته ابتدار قلندی اولبابده امر و فرمان
 حضرت من له الامر کدر

(بيك اوچبوز ايكي سنه سي تشرين اولنك)
 (اونجى جمعه كچه سي ساعت درت راده لرنده)
 (غلظه ده قره كويده بوچاچه جي فرونى اوكنده)
 (جرح اولنه رق متأثراً وفات ايدن چشمه)
 (ميدانى سا كنلرندن مصطفى افنديك كيفيت)
 (قتلدن طولايي مظنون عليه اولان نغده دلبندجي)
 (محله سنده ساكن ارمناق ولد اوخانك محاكمه)
 (عانيه سي ضبطنامه سندن مابعد)

ايكنجى محاكمه

بيك اوچبوز ايكي سنه سي شباطك اون درنجى
 جمعه ايرتسي كوني متهم مرقوم ارمناق قانون
 دائره سنده توقيفخانه دن جلب ايله وكيلى طروس
 افندي ياننده اولديغى ومدعى عمومي معاونى
 جدى افندي دخى حاضر بولنديغى حالده علناً
 دوام محاكمه يه بالابندار ضبط سابق قرائت
 اولندوقدن صكره محكمه يه ارسال ايدلمش اولان
 اولان قائلى قسا ايله البسه بر موجب قرار متهم
 وشهوددن جلب ايدلمش اولان بكجي احمد وبكر
 اغلره ارايه اولندوقده بولردن احمد وبكر اغلر
 برده بولدقلى قسا محكمه ده موجود اولان قا

ايدوكنى وارمناق دخى مذكور البسه دن چاكت ومائى
 وياض كوملكر ايله قوشاق كندوسنك ايسه ده
 ديكر البسه ايله قا كندوسنك اولديغى سويلكله
 معاون مومى اليه جدى افندي عقيب وقعه ده
 ارمناق طوتدق لرنده حضور محكمه ده بولنديغى
 اثواب ايله مى اولديغى بكجى بولردن وحضور
 محكمه يه چيچه جغى ائشاده اثوابى . كشدبرمكه
 سبب نه ايدوكنى دخى متهم ارمنان سنه سؤالى
 طلب ايتكله لدى السؤال مرقوم بكجي بكر
 واحد اغلر ارمناق حين در دستلرند ديكر اثواب
 لابس بولنديغى وارمناق دخى اثوابى المش
 اولدق لرندن مجبوراً بولرلى كيديكى بيان وافاده
 ايلديلر
 وكيلى مومى اليه طروس افندي دخى قسا ايله
 البسه ده قان اولديغى بيان وادما اولتده بولنديغى
 حالده بوكا دائره هيج بر علامت كوره مديكنندن
 بوجهتك مكتب طبيه دن سؤال اونسنى ومعاون
 مومى اليه دخى عقيب وقوعاده كره قاده وكرك
 متهم ارمناق اثوابنده تازه قان بولنديغى عن
 مشاهده اخبار اولتده اولديغى كبي دخى
 بونك اون بش كون مقدم قيرديغى فنارك النده
 حصوله كتور ديكى ياره لك قان اولديغى
 مضبوط افاده سنده سويلش اولسنه نظراً بونك
 تكرر مكتب طبيه يه ارساليله تأخير محاكمه يه

لزم قانونى اولديغى سويلر ايله لدى التامل
 معاون مومى اليهك طلبى بجا اولديغنه قرار
 وير يله رك تفهيم وشايدان تدقيق بشقه بر جهت
 قلمديغى بيان اولندوقده معاون مومى اليه جدى
 افندي متهم ارمناقك مصطفى افندي بي جرح وقتل
 ايلديكى بوجه محرر اخبارات ودلائل واماراته
 تحقق ايتكله مجرميتنك تحت قراره التمسنى ادما
 ايتسنه قارشو وكيلى مومى اليه طروس افندي
 دخى ذات جرمى تركيب ايدن قسا ايله البسه ده
 قان اولديغى بيان وادما ولتقده وبوكا قارشو
 ايسه قان اثرى كورلما مكدده اولديغندن بونرك
 معاينه سي لزومنى اصرار ايتكده اولديغى كبي
 اساس مسئله يه كلنجه شاهدرك افاده لرندن
 اكلاشلمديغى اوزره متوفى مصطفى افندي
 پالطوسنى اتهرق ارمناقك اوزرينه هجوم
 ايتديكى معقب امانك اورلدم ديمسيله ارقداشلىرى
 بولنان سالم وصدقى وبجى افنديلر فرار ايدوب
 اوصره ده كتمكده اولان موكللى هر نصيلسه بكجىلر
 طرفندن چوريلوب قره غونخانه يه كتورلديكنده
 ميدانده بر مقتول اولديغى جهته له البسه بونكده
 بر قائللى اوله جغندن وارمناق دخى نصلسه
 كورلمش ايدوكندن مرقوم با ژورنال اون بش
 كون صكره صدقى وبجى وسالم افنديلر مرقومى

بك اوغلى دائره استنطاقنده ايلك دفعه اوله رق
 كوردكلرنده فعل قتلك موكللى طرفندن ايقاع
 اولنديغى بيان ايتش وموكلنك باشى اچيق
 فرار ايتش اولسى ماده لرى شايدان اهميت اوله مديغى
 مثلاً منازعه نك بين الرقا ظهوره كلوب مصطفى
 افندي رفيقلى طرفندن قتل وتلف اولتمق دخى
 احتمال تحتنده اولديغندن فعل قتلك موكللى
 طرفندن ايقاع اولديغى حكمه كافى اوله ميوب
 بوراده شايدان دقت اولان مصطفى افنديك اولاً
 پالطوسنى اتهرق موكلنه هجوم ايتسنه ومقتول
 مصطفى افنديك دائره اماندن كوندريلان اشيا
 ميائنده بولنان كوملكده قان اثرى بولنميوب
 موكلنك البسه سنده قان بولنسنه كوره موكللى
 مجروح اولنديغندن فعل قتلك بالمقابل ايقاع
 ايلديكى اكلاشلمده اولديغى وهر تقدر موكللى
 بو حقيقتى بيان ايتما مكدده ايسه ده بوده بر
 مقوله سي وقانوندن بي بهره اولديغندن نشأت
 ايتكده ايدوكنى وچونكه شاهد فعل قتلك
 موكللى طرفندن صدورينى وموكلنك اوزرنده
 تازه قان اولديغى اخبار ايتكده وبوجهت ايسه
 موكلنك مجروح اولديغى كوستر مكدده اولديغندن
 وحالبوكه شاهدك افاده سنك بر قسمنى قبول
 وديكرينى عدم قبول جائز اوله ميه جغندن قتلك

وقوعی حقیقه کی اسباب ثبوتیه کافی کورلدیکی
 تقدیرده بالمقابلہ قاتل اولندیغنه قرار ویرلمسنى
 معاون مومی الیه دخی شاهدلر دائره استنطاقنده
 کورسدهک طانیه جغیز بر شخصی دیو خبر ووروب
 کوردکلرنده ارمناقی ارايه ایش اولدقلرینی
 حضور محکمه ده بیان وافاده ایلدکلری حالده
 بو جهت ضبطنامه به درج اولنماش اولدیغی
 کبی متهم ارمناقک مصطفی افندی بی متعدد محکندن
 جرح ایلدیکی صروده اوزرینه جزئی قان
 بولاشدیغنی واکر کندوسنده جرح بولمق لازم
 کلسه ایدی معاینه سنی حاوی بر قطعه راپورتک
 موجود اولسی اقتضا ایده چکی وخصوصیله
 مقتولده بر کونه الت جارحه بولندیغنی تکرار
 وطروس افندی دخی موکلی مجروح اولمش
 ایسده معاینه اولندیغنی بالیان افادات سابقه سنی
 تکرار ایتلریله ولدی السؤال طرفینک بشقه
 بر دیه جیکاری اولدیغنی اکلاشلغله محاکمه کدنک
 ختام بولدیغنی بیان اوانه رق مذاکره اوپه سنه
 کلندی
 طرفینک سبق ایدن ادعا و مدافعاتی و تدقیق اولسان
 افادات مضبوطه اوراقی اوزرینه ایجاب کیفیت
 لدی المذاکره متهم مرقوم ارمناق هر نقدر
 انکار تهمت ایتکده وویکیلی طروس افندی

البسه لری مرقوم ارمناق ایله رفیق لکرده چی
 مهرانک اولدیغی ژورنال بالاسنده کوسرلمسینه
 کوره وکیل مومی الیهک مدافعات مسروده سی
 دخی غیر وارد اولدیغندن مرقوم ارمناقک
 مصطفی افندی بی اثنای منازعه ده بالتهور قا ایله
 جرح و قتل ایلدیکی تحقق ایتکده مجرم اولدیغنه
 متفقاً قرار ویرله رک اولبایده تنظیم وامضا اولسان
 قرار نامه علناً قرائت اولندقه معاون مومی الیه
 جدی افندی مرقوم ارمناقک فعلی قانون جزانک
 یوز یتیش دردنجی ماده سنک فقره اولیسنه موافق
 اولدیغندن اولوجهله تعیین جزاسنی وویکیلی
 مومی الیه دخی موکلنک حرکتی قانون جزانک
 یوز سکسان طقوزنجی ماده سی موجبنجیه یوز
 طقساننجی ماده سنه موافق اولدیغندن بوسورتله
 تخفیف مجازاتی طلب وامستدا ایتلریله تکرار
 مذاکره اوپه سنه کیرلدی

جهت جزایسه سی حقیقه دخی مذاکره کیفیت
 اولندقه مرقوم ارمناقک مرتکب اولدیغنی فعل
 و حرکت معاون مومی الیهک طلب و ادعاسی
 وجهله جزا قانوننامه همایوننک یوز یتیش
 دردنجی ماده سنک فقره اولیسنه موافق اولدیغنه
 وفقره مذکورده دخی بر کیسه من غیر تعهد
 بر شخصی اتلاف ایش ایسه اون بش سنه مدته

کورکه وضع اولنور دیو محرر بولندیغنه مینی
 بو حکمه توفیقاً وابتدای توقیفی اولان بیک
 اوچبوز درت سنه سی محرمک یکرمی یدنجی کوندن
 اعتباراً اون طقوزنجی ماده قانونیه منطوقجه
 بعد التشهیر اون بش سنه مدته کورکه قونلسنه
 واستنطاق وضبط و اعلام خرجلریله خدمه اجرت
 قدمیه سی اولان جمعاً یوز قرق ایکی غروشکدخی
 مرقومدن بالتخصیص عدلیه وزنه سنه تسلیم
 ایتدیرلمسینه و مقتول مرقومک ورثه سی دم ودیت
 طلبنده بولندقلرینی حاوی استدا نامه ویردکلری
 حالده بو جهت دخی مرجعه لزوم حواله سنه
 بیک اوچبوز درت سنه سی جاذبی الاخره سنک
 اوچنجی کونه مصادف اولان بیک اوچبوز
 ایکی سنه سی شباطنک اون دردنجی جمعه ایرتسی
 کونی متفقاً قرار ویرله رک تفهیمی اجرا واصول
 محاکمه معین اولان ماملات سائره دخی ایفا
 قلندی

فی ۱۸ شباط سنه ۳۰۳

~~~~~

تاریخ اعلان اعتباراً اون بش کون صکر مزایدہ  
قونیلہ جغی اعلان اول نور

فی ۲۳ مارت سنہ ۳۰۳

# اعلان

فاطمہ زافر خانم محمد عزت بك ذمتند باء-لام  
شرعی الاجغی اولان مبالغ معلومہك تأمین  
استیفاسی ضمنندہ مدیون مومی الیہك ممشیرہ سی  
ناجیہ خانم ایله متصرف اولدقیری استانبولده  
قاضی صکر محمد افندی محله سنده حسرو جاده سنده  
واقع اوتوز بر نومرو ایله مرقم دروننه بر بچق  
ماصورا ماء لذیدی جاری بر قطعہ قونق عرصہ  
سنك او چ حصہ اعتباریله ایکی سہم حصہ  
شایعہ لری بوندن اول مزایدہ قونیلہ بق لیرایوز  
غروشدن بشییک بشیوز غروش بدل ایله طالبی  
اوزرنده تقرر ایتش اولدیغندن یوزده بش ضمیله  
بوندن دها زیادہ به طالب اولنلرک اشبو تاریخ  
اعلان اعتباراً اوتوز بر کونه قدر سعادت  
اعلامات شرعیہ اجرا دائرہ سنہ مراجعت  
ایلری

فی ۲۶ مارت سنہ ۳۰۳

شیروانی زاده متوفی اسماعیل حق بک صلیہ  
صغیرہ قزی وجیہ خانمک سماحتلو صاحب بک  
افندی حضرتلری ذمتندہ بک قوز بدایت  
محکمہ سنك فی ۲۶ ربیع الاول سنہ ۳۰۲ وفی  
۲۸ کانون ثانی سنہ ۳۰۰ تاریخ والی یدی  
نومرولی بر قطعہ اعلامی موجبنجہ مدیون  
اولدقیری مبالغ معلومہك تسویہ سی ضمنندہ  
مرهون اولوب فروختی دخی تحت قرارہ النان  
بشکطاشده تشویقیہ محله سنده ایکنجی قره غول  
سوقاغنده یکر می نومرو ایله مرقم معلوم الحدود  
مع اخور و بچہ بر باب منزلک نصف حصہ سی  
کندو حصہ سیله معاً صاتلق اوزره فی ۱۵  
ربیع الاخرہ سنہ ۳۰۴ تاریخندہ دیگر نصف  
حصہ متصرفی بانکر استقاتویج دخی با عرضحال  
طلب ایتکله نصفك مرهونیتی و دیگر نصفك  
دخی صاحبک رضا و طلب موافقتیله مجموعی